

# Ársskýrsla Aleflis 2014

## Aðalfundur 12. maí 2015 kl. 8:30 á Landsbókasafni Íslands.

Ásdís Hafstað, formaður (2016)

Sólveig Arngrímsdóttir, ritari (2015)

Unnur Valgeirsdóttir, gjaldkeri (2016)

Viggó K. Gíslason, meðstjórnandi (2015)

Haldnir voru 4 stjórnarfundir á starfsárinu og skiptust stjórnarmenn á að halda fundina á sínum vinnustöðum. Einnig áttum við í fjölmörgum samskiptum símleiðis og með tölvupósti milli funda.

Stjórnin er óbreytt milli ára nema Viggó hætti sem ritari og tók Sólveig við því hlutverki. Ekki þarf að tilkynna um breytinguna til fyrirtækjaskráningar Ríkisskattstjóra þegar breytingar á stjórn eru svona smávægilegar.

Unnið var að því að finna lausn á hýsingu vefs Aleflis. Landsbókavörður samþykkti á haustmánuðum að hýsa vefinn og fóru tæknimenn vefmála á Landsbókasafni – Háskólabókasafni í að skoða gögnin og setja upp aðgengilega vefsíðu fyrir gögn Aleflis. Í lok árs lauk þeirri vinnu og þau gögn sem bæst hafa við eftir að vefsíðan hrundi voru færð þar inn. Eldri gögn höfðu varðveist á Vefsafninu voru flutt yfir á nýja vefinn. Starfsmaður Landsbókasafns sem situr í fulltrúaráði Aleflis mun sjá um að færa gögn inn fyrir stjórnina. Vegna öryggis hafa engir aðrir en starfsmenn Landsbókasafns- Háskólabókasafns aðgang að vefsíðu safnsins.

Fulltrúar skráningarráðs skipaðir af Alefli fyrir næsta starfsár 2014-2015 er óbreytt frá fyrra ári. Fulltrúarnir eru: Þóra Sigurbjörnsdóttir Borgarbókasafni, Áslaug Þorfinnsdóttir Bókasafni Hafnarfjarðar og Rósa S. Jónsdóttir Bókasafni Orkustofnunar

Haldinn var samráðsfundur með starfsmönnum og stjórn Landskerfis 14.nóvember 2014. Helstu umræðuefni voru um væntanleg kerfisskipti. Talað er um að við höfum 4 ár til stefnu og EXLIBRIS er ekki að leggja sig niður. Það er enn verið að vinna í þróun 23. og 24. útgáfu Aleph. Starfsmenn Landskerfis hafa fylgst með þróun kerfisins Alma og einnig verið að skoða önnur kerfi. Bibsys sem er samlag háskóla- og rannsóknarsafna í Noregi er að innleiða Ölmú og einnig eru almenningsbókasöfn í Belgíu að hefja innleiðingu á kerfinu. Annars kom fram að Alma þykir flókið kerfi og erfitt er að uppfylla bæði þarfir háskóla og almenningsafna í sömu innleiðingunni.

Hafin er vinna við þarfagreiningu vegna nýs vefs Landskerfis. Þjónustuvefur verður uppfærður og komið á nýju verkbeiðnakerfi. Gert er ráð fyrir að vinna við uppsetningu og hönnun vefsins verði boðin út. Notað verður Open Source umsjónarkerfi.

Fram kom að fjöldi námskeiða verður haldinn þegar kemur að innleiðingu RDA skráningarreglnanna. Allir skrásetjarar þurfa að fara á endurmenntunarnámskeið til að viðhalda skráningarréttindum sínum Alefli benti á að það veldur af og til vandræðum hve sjaldan skráningarnámskeið eru haldin (einu sinni á ári að lágmarki). Það getur haft áhrif varðandi mannráðningar á söfnum ef langt er í næsta námskeið. Sveinbjörg svaraði því til að alltaf mætti skoða einstök tilvik og reyna að finna lausn. Alefli spurði um stöðuna í vinnuhópi um tölfræði. Fram kom að hann hafi verið lítið virkur en starfsmenn Landskerfis hafi verið að vinna í endurbótum á vinnslu tölulegra gagna.

Hugmynd að hafa tölfærði á fyrirtækjavef opna öllum. Stjórn Aleflis sá því ekkert til fyrirstöðu en munu kanna hver hugur okkar fólks sé í þeim efnunum.

Sarpur var tengdur inn í Leitir.is um áramót 2015. Fram kom að það þyrfti að bjóða upp á skráningarnámskeið fyrir Sarp í safnafræði víð HÍ. Skoða þyrfti hvort ekki væri þörf á að opinberar stofnanir ættu að skrá listaverk og merka muni í þeirra eigu í Sarp.

Dagskrá notendaráðstefnunnar hefur verið aðal verkefni stjórnar á vorönn.

Vel gekk að fá fyrirlesara til að halda erindi og voru starfsmenn Landskerfis okkur innan handar að venju og kynna það sem efst er á baugi hjá þeim. Efnistöð fyrirlesara eru fjölbreytt en tengjast þó starfi okkar notenda Gegnis á ýmsa vegu.

Reykjavík 12. maí 2015

Ásdís Hafstað